摘藻堂四庫全


書薈

要 经 部

欽定四庫全書 曾要 無我關疑卷一

詳校官原任侍講臣王燕緒





좗 定 四层全言 先生所者有師山集今亦别者於録云乾隆 其義持論至為平允至於朱子綱目體 聖人之特筆不可字求其義亦不可謂全無 四十年五月恭校上 子美敏縣人元末除翰林待制以疾辭明兵 目仿朱子之體例則所言不免倒置耳玉字 仿春秋經傳而作序乃謂以經 **徽州守将要致之玉不屈死學者稱師山** 提要 為綱 レス 傅 例 本

								飲定匹庫全書
						• .		定
								匹
								库
								件
				ĺ				全
								書
				ļ				entratif
					Ì			
				1	1			
				ļ				
l						1		18
	Ì		1		·		1	提要
			1		İ		{	-X-
			!					
							1	
					-			
					ì			
						İ		
!					į			
						1		
			1	1				
								-
		1	:			1	-	
					ĺ			
			:			1		
						i		
			'					
	TO THE STREET OF THE							E0/457

横流存天理於既滅撥亂世反之正損益四代之制者 道而無遺具帝王之法而有後其於事也可以因則因 夫子集奉聖之大成春秋見夫子之大用益體天地之 主意也則在於誅亂臣討賊子其成功也則遇人欲 綱也則尊王而賤霸內夏而外夷其為目也則因講信 春秋闕疑原序 修睦教災恤患之事而為朝覲聘問會盟侵伐之丈其 可以革則革其於人也可以褒則褒可以貶則貶其為

春秋問疑

春秋乎知之者知其與天為一罪之者罪其以匹夫而 為不利之典也故曰知我者其惟春秋乎罪我者其惟 切著明也故易詩書言其理春秋載其事有易詩書而 行天子之事又曰我欲托之空言不如見之行事之深 春秋之道其亦何以為天下國家也哉然在當時游夏 無春秋則皆空言而已矣是以明之者竟舜湯武之治 巴不能替一辭至于三家之傳左氏雖若詳於事其失 可復味之者禁紂幽厲之禍立至有天下國家而不知

經之大首祭然復明於世昭百王之大法開萬世之太 則考諸傳以補其遺傳有為外則稽諸經以證其謬使 為今之計宜博採諸儒之論發明聖人之旨經有殘闕 得經之本肯情無全書朱子問論事之是非又無者述 諸儒人自為說家自為書紛如聚訟至有得失程子雖 若故為異同之辭而非有一定不可易之說兩漢專門 名家之學則又泥于災祥徵應而不知經之大用唐宋

春秋開疑

也誇公穀錐或明於理其失也鄙及觀其著作之意則

考據則寧兩存之而不敢妄為去取至於誅討之事尤 諸儒之說合於理者則取之其或經有脱誤無從質證 曾因未子通鑑綱目之例以經為網大字揭之於上復 不敢輕信傳文曲相附會必欲殺得其情事盡其實 則寧闕之以俟知者而不敢强為訓解傳有不同無所 以傳為目而小字疏之於下叙事則專於左氏而附以 公穀合於經者則取之立論則先於公穀而恭以歷代 -然後足以盡斯經之用而王也非其人也問不自揆

定四庫全意

特筆固不可字求其義如酷吏之刑書亦不可謂全無 若闕其所當闕以俟知於後人程子謂春秋大義數十 像所能補級與其强通其所不可通以取幾於當世熟 臆説所能窺測重以歲月滋久殘闕維多又宣懸空想 事須變丈而義始明益春秋有魯史之舊丈有聖人之 炳如日星宣無可明之義朱子謂起頭一句春王正月| 其義如史官之實録也聖人之經解簡義與固非淺見 以經之所作由於斯也其他常事則直書而義自見大

言乎然将以備遺忘便檢閱而已非敢謂明經首傳後 窺測聖人之意雖貴辭説猶不能達其意也况敢器於 為之義例所以辭語重複不避繁無者益以常人之心 世也觀者幸恕其借至正十五年秋九月朔新安鄭王 便不可解固有當關之疑王之為是書也折衷二說而

京四屋 全世

欽定四庫全書首要卷一千六百五十經部 孟子曰晋之乘楚之檮杌魯之春秋一也其事則 之所記必表年以首事年有四時故錯舉以為所記 月以月繁時以時繁年所以記遠近别同異也故史 日春秋者魯史記之名也記事者以事繁日以日繁 桓晋文其文則史孔子謂其義則五竊取之矣杜氏 春秋闕疑卷一 以大學是 鄭王 撰

飲定四庫全書 法諸天地以立義者聖人已修之春秋帝王之大法 也但聖人之經詞簡義深本非後世儒者所能測識 舉四時以為名者聖人未修之春秋曾史之舊文也 春秋不足以見聖人之用蓋一生一般而歲功成者 作者也然不觀諸天地不足以知春秋之原不觀諸 之名也 愚謂孔子之修春秋假一國之史書寫百 王之大法至於其名則因其舊而不易所謂述而不 天地之至神一賞一罰而治功成者聖人之能事錯

傳可以考其大縣然意左氏當時所見會史已無全 案經則如前代主者之朱書惜乎曾史不存猶賴左 然聖人之意本欲使與曾史並行學者求事之本末 文故於其殘闕則妄為之說以補之是以間有本末 之大恨也 顛倒是非錯緣之失而經之微古不可復見此春秋 於史而觀理之曲直於經也史則如今世吏人之文 隐公 春秋闕疑

新定四库全 言 詩自黍離降為國風而雅七平王東遷正在雅七之 受封於曾至公十三世平王四十九年即位諡法不 國風則雅亡矣雅亡則無政春秋所為作也 愚按 春秋作楊龜山日春秋之時詩未盡亡也恭離降為 矣聖人於是託始於隐公而作春秋馬 後播湯陵遅至于老死不能中與所謂王者之迹媳 尸其位曰隐孟子曰王者之迹熄而詩亡詩亡然後 公名息姑恵公之子姬姓侯爵自周公之子伯禽始

元年 為此法也然諸侯嗣君得有其年不得有其正正朔 通年稱元者自古天子諸侯皆然非仲尼作春秋始 是隐公之始年周平王之四十九年也人君嗣位必 正本也一元既建累而數之為國之久新歷年之多 而元年繫之曾也董仲舒曰謂一為元者示大始欲 必禀於天子故仲尼因魯史修春秋以正月聚之王 公羊氏日元年者何君之始年也高氏日歲在已未

蒙 火潤是

欽定匹庫全書 · 孝武又因事别建年號後世帝王遂因襲之數年一 事而非一國之史雖用周以紀元可也益周有一代一 者甚至於不待逾年而自改元又復有改年為載者 之法乎 愚按孔子之作春秋所以記天下諸侯之 斯皆率意妄作又豈知春秋書元之義乃萬世不易 改以為美事乃以改元之多寡為享國之久長或於 少顯然可見矣前古人君皆然自漢文帝改後元年 歲之內有改元再三者又一國之中有前後重複

春王正月 乎王正月大一統也殼梁氏日雖無事必舉正月謹 為萬世之法也然則春秋實夫子所以為治於天下 託之於魯然後可以損益三代之禮因四王之事而 後世者特託魯史以成文爾 之定制所謂時王之法孔子安敢置可否於其間此 始也程子日春天時正月王正書春王正月示人君 公羊氏日易為先言王而後言正月王正月也何言 春秋闕疑

一盆定匹庫在書 當上奉天時下承王正明此義則知王與天同大而 然後有政有年然後有月故聖人以元起年以正起 正王道稱天王以奉天命故先書春王正月而二百 王正月之為春則知王道即天道矣春秋因王命以 月張氏曰示一統於此而禮樂征伐之專者以次而一 四十二年之事皆天理王道也謝氏日人君以政率 人道立矣高氏日夫春者天時也正月者王正也知 天下正天下始於是月故年之一月謂之正月有德

三月公及都儀父盟于蔑 爵而稱公者臣子之辭夫子魯人也書他國諸侯侵一 闕之以埃知者 曰周正或曰以夏時冠周正考之于經終無定說姑 者非史冊之舊文矣 愚按春王正月或曰夏正或 正次王王次春乃立法割制裁自聖心無所述于人 正馬此元年春王正月所以為謹始之書也胡氏曰 公攝位而欲求好於邾故為蔑之盟 張氏日魯侯 手大風是

欽定四庫全書 情先王所不禁也盟而不信則罪也諸侯交相盟誓 亂世之事也凡盟內為主稱及外為主稱會在曾地 伐盟會則從其本箭而魯獨書公益父母之邦從臣一 之君例稱字同王臣也夷狄則稱名降中國也謝氏 子所稱所以崇敬也穀梁氏日及者何内為志馬爾 會彼盟而往會之也都附庸國都子克字儀父附庸 雖外為主亦稱及彼來而此及之也兩國以上皆稱 公羊氏曰及猶汲汲也程子曰盟誓以結信出于人

禁令不敢擅行制度不敢擅革臣子之道也春秋之 亂列國講好修令不復請命天子而擅相為盟上命 脩而小國懷信義明而小國服法令適宜而小國畏 由此不行而王綱由此壞矣凡書盟以罪諸侯之專 曰諸侯教命皆受之王而達之民也禮樂不敢擅出 不正其本而刼之以盟誠意由此不明而邦國由此 又奚待盟約相要而後協哉春秋之亂諸侯好修令 也脩德禮明信義正法令大國得小國之道也德禮 春秋閱是

夏五月鄭伯克段于郡 生驚美氏故名曰籍生遂惡之愛共叔段欲立之鱼 也臨江劉氏日公侯百里伯七十里子男國五十里 會則以主會為首侵伐則以主兵為首所以輕重之 初鄭武公娶于申曰武姜生莊公及共叔段莊公寤 盟七年為伐邦之舉几事而觀善惡者矣 不及五十里附於諸侯日附庸 愚按元年為蔑之 不親矣凡書盟以示諸侯之失道也高郵孫氏曰盟

請于武公公弗許及莊公即位為之請制公日制嚴 邑也號叔死馬他邑唯命請京使居之謂之京城大 過參國之一中五之一小九之一今京不度非制也 既而大权命西都北部、貳於已公子日曰國不堪、貳 除况君之龍弟子公日多行不義必自斃子姑待之 有不如早為之所無使滋蔓蔓難圖也蔓草猶不可 君將不堪公日姜氏欲之馬避害對日姜氏何厭之 叔祭仲曰都城過百姓國之害也先王之制大都不

無生民心公曰無庸將自及大叔又收貳以為已邑 遂真姜氏于城額而誓之曰不及黄泉無相見也既 大叔段段入于鄙公伐諸鄙五月辛丑太叔出奔其 公聞其期曰可矣命子封師車二百乘以伐京京叛 將夠大权完聚繕甲兵具卒乘將襲鄭夫人將啓之 至于虞延子封曰可矣厚將得衆公曰不義不暇厚 君将若之何欲與大权臣請事之若弗與則請除之 而悔之 穀梁氏日段第也而弗謂第公子也而弗

欽定四庫全書

謂公子貶之也段失子弟之道矣賤段而甚鄭伯也 義少自斃又日不義不歷厚將崩其弗制也姑給其 程子曰鄭伯失為君之道無兄弟之義故稱鄭伯而 也不書奔義不繫於奔也楊龜山日其始畏父母諸 不言弟克勝也言勝見段之强使之強所以致其惡 惡也書曰鄭伯克段于鄙則克段者鄭伯而已非國 兄之言所謂小不忍也而卒害之其為言曰多行不 人所欲也胡安定先生日鄭伯兄也不能教弟以養 春秋関疑

使鄭在于請制請京之時裁之以義諭之以禮感之 成其惡是兄不兄弟不弟故聖人書以交談之家氏 之言莊公固不能勝其母也然不能勝母者情也制 可以語此吾于鄭莊何責 愚謂姜氏欲之馬避害 段之故誓母於額曰不及黃泉無相見也孝安在馬 日鄭莊始也從母之命封段于京以是為孝卒之以 公不煩于討而鄭無事矣吁惟知孝弟之道者而後 以誠與其所當與勿與其所不可與則段不至於逆

秋七月天王使宰回來歸惠公仲子之明 哉此所謂從父之令為非孝也 段長有京城而鄭無患矣豈有置姜氏于城顏之禍 不藏怒馬不宿怨馬親愛之而已矣使鄭伯之于段 其親于不義乎亦必有道也孟子曰仁人之于弟也 之以禮者義也聖賢于此安肯舍禮法縱情欲而陷 公羊氏曰罪者蓋以馬以乘馬東帛穀梁氏曰乘馬 如舜之于象封之有庫使吏治之而段不得有為則

欽定四庫全書 當先正春秋之時嫡妾借亂聖人尤謹其名分男女一 者王道也後世以智力把持天下者霸道也看秋因 王命以正王法稱天王以奉天命夫婦人倫之本家 若天道故稱天王其命曰天命其討曰天計盡此道 於春秋之前天王至是而來明之耳程子曰王者奉 正其為夫人故從夫以别之見失禮者夫也仲子卒 子者惠公再娶之夫人不曰夫人而緊之惠公者不 曰赗衣衾曰墜月王曰含錢財曰賻高郵孫氏曰仲

書字上士中士書名下士書人仲子惠公之妾爾以 亡可以攝治無再娶之禮以夫人禮媚人之妾不天 故不得已有再娶之禮天子諸侯內職具備后夫人 之配終身不變者也大夫而下内無主則家道不立 拂矣夫天王紀法之宗也六卿紀法之守也議紀法 天而名垣以見其不王胡氏曰王朝公卿書官大夫 亂倫之甚也然春秋之始天王之義未見故不可去 天王之尊下明諸侯之妾是加冠于優人道之大經 **事火衛**是

見军之非军矣程氏學曰成風之丧亦妄母也王使 天也春秋謹嚴大法可見 愚按春秋之前王未有 奉若天道後之所以去天者不如是無以見弗克若 無天道也前之所以書天者不如是無以見王者當 榮权歸含且媚王使名伯來會葬俱不稱天者以明 紀自王朝始也春秋重嫡妾之分故特疑而書名以 之間則專掌其事而承命以則諸侯之妾是壞法亂 而修諸朝廷之上則與聞其謀領紀法而行諸邦國

飲定四庫全書

九月及宋人盟于宿 惠公之季年取宋師于黄公立而求成馬九月及宋 意也 則必以天事王而不敢自肆此則春秋以天書王之 其地以國宿亦與馬微者盟會不志于春秋此其志 子而知此則必以天自處而不敢自輕諸侯而知此 人盟于宿始通也 胡氏日內稱及外稱人皆微者 春队嗣是

稱天者王稱天王春秋立法割制聖人之特筆也云

成傾危之習哉謝氏曰元年及宋人盟十年代宋敗 盟猶不以為善也又況私相要誓慢鬼神犯刑政以 禁之而不克也春秋之時會而軟血其載果掌于司 掌盟載之法祖祝作其詞玉府共其器式右役其事 者有宿國之君也凡書盟者惡之或曰周官有司盟 可乎曰盟以結信非先王所欲而不禁逮德下衰欲 結信出于人情先王猶不禁也而謂凡書盟者惡之 太史藏其約蘇公亦曰出此三物以且爾斯夫盟以

新定匹庫全書

冬十有二月祭伯來 交大夫非君命不越境所以然者杜明黨之原為後 不行境中有至尊者不貳之也胡氏曰人臣義無私 其外交故弗與朝也聘弓候矢不出境場東修之肉 何也家內諸侯非有天子之命不得出會諸侯不正 左氏曰非王命也毅梁氏曰來者來朝也其弗謂朝 四隣 宋師盟不足以結鄰可知也故人君務修刑政以服 春秋妈屁

新定匹庫全書 公子益師卒 諸侯之那皆不書官不與其為那也惟宋王者後得 伯之朝而王臣擅命私交之罪着矣 世事君而有貳心者之明戒也謝氏日春秋首奪祭 自命官故獨宋卿書官卿者佐君以治其國其卒國 程子曰諸侯之卿必受命于天子當時不復請命故 之大事故書于此見君臣之義矣或日或不日因舊

二年春公會戎于潛 盟于後故于此書曰會我所以讓隐公降國君之尊 內外之辨修戎政而絕其好會可也不能絕之而與 暴非所謂式狄是膺所以容其亂華也故春秋華夷 義也其餘列國慎固封守可也若與之和好以免侵 夷猾夏有散居中國者方伯大國明大義以攘斥之 之辨尤謹張氏曰惠公與之有好既失之矣隐公明 修惠公之好也我請盟公解 程子曰周室既衰盛

春秋國是

飲定四庫全書 走不息故列國欲相親則為會欲求盟則為會欲合 爵以叔長幼則會無非事者春秋之世強凌弱小役 隐公居喪未會諸侯于王朝而先與我會是誠何心 失中國之重不修撰斥以啟其猾夏之階也高氏日 大講好無節出師無義構事者旁午交與畏命者奔 會成盟適所以貼王室之患耳此春秋之所誅也謝 哉及天王使凡伯來聘戎伐凡伯于楚丘以歸則魯 氏曰禮時見曰會則無非時者會以訓上下以正班

者患內不修不患外不順患內不强不患外不畏 待彼而四夷莫敢不服况于一我之小乎故有國家 德級我之道也人君号曾屈辱于我哉隐公欲修好 衆則為會以致勞民靈財棄國施政紛然會于郊境 而已春秋書會戎于潜以示諸侯御戎之失道也治 之間凡書會以罪諸侯之非法也結之以恩懷之以 政中國為善人材中國為强甲兵中國為利修此以 而與我會于郊弱邦國之勢啟夷秋之心適以招惠 春秋與疑

夏五月首人入向 謂斷也以事言之入者造其國都以義言之入者逆 向以姜氏還此所謂按也春秋書曰莒人入向此所 莒子取于向向姜不安莒而歸夏莒人入向以姜氏 之始國君所與共承祭祀刑家以治其國者也向姜 與兵入人之國都王法所當誅也家氏日夫婦人倫 而不順苔稱人小國也張氏曰苔以一婦人之故擅 胡氏曰莒子娶于向向姜不安莒而歸莒人入

無駭師師入極 書者未賜也謝氏曰師大衆極小國以大衆入小國 無致伐之義故苔人無感肆虐而弗能正向極小國 命于天子春秋之時諸侯自命已賜族者則書族不 司空無駭入極費序父勝之 程子曰古者卿皆受 不安莒是必有故莒子當知所以自反今也處以兵 残虐之大者也方是時天王無討罪之威方伯連即 八人之國都而奪其去妻以還此非還妻之道也

秋六月庚辰公及戎盟于唐 事直書義自見矣 權猶寡其終也則視以為常矣然則無駁其始歎據 我請盟秋盟于唐復修我好也 程子曰我猾夏而 者九自文而後書大夫即即者百有八馬世之相去 畧同而即師之多寡不作若是蓋其始也大夫之專 被害而弗能救也觀莒人入向無駭入極而上下不 知治罪可見矣樸鄉吕氏曰自僖以前書大夫師師

金戶四月在這

潛又與我出盟于唐其不能制我可知也會與之相 非特不能制成也又將受制于成矣故我不難治也 見而已盟則以事相要非特相見也與我軟血要言 唐書日謹之也高氏日唐我地彼來而我及之也謝 氏曰戎狄嗜好無厭其有求也不正以義不結以威 與之盟非義也程氏學白諸侯與中國盟誓已日不 彼將肆其所欲則吾將有所不堪隐公既與我會于 可况與戎狄較血要言哉胡氏曰前此盟不日盟于 春肚網是

九月紀復偷來逆女冬十月伯姬歸于紀 罪中國而不責夷秋也 中國自輕然後戎見陵中國自强然後戎不為冠 之患王室亦且尊安矣此春秋于盟戎之事所以深 盟戎之辱又安有戎伐凡伯于楚丘之禍哉然則隐 矣比事而觀使會能解潛之會則無盟戎之辱既無 思按看書會我于潛秋書盟我于唐所以責魯者至 公能守周公督公之舊法戎狄是膺豈惟魯無夷狄

新定匹庫全書

則世子而親迎也韓侯娶妻蹶父之子韓侯迎止于一 謂已重乎文定厥祥親迎于渭造舟為深不顯其光 重乎孔子對日合二姓之好以為宗廟社稷主君何 杜氏曰裂編紀大夫公羊氏曰女在其國稱女在塗 蹶之里則諸侯而親迎也有夫婦然後有久子有久! 也使大夫非正也胡氏口會家公問冕而親迎不已 不稱主人何以書談不親迎也穀梁氏曰逆女親者 稱婦入國稱夫人婦人謂嫁日歸何以不稱使婚禮 春狀想是

飲定四庫全書 紀子伯莒子盟于密 盟于密之類或日本據舊史因之而不能益者也或 逆女以志變常衆妾之分定矣大昏之禮嚴矣 子然後有君臣夫婦人倫之本也逆女必親使大夫 可矣必曲為之說則鑿矣 日先儒傳受承誤而不敢增者也闕疑而慎言其餘 程子曰闕丈也胡氏曰甲戌已五夏五紀子伯莒子 非正也入春秋之始名幸喧歸聞以議亂法書履輸

十有二月乙邓夫人子氏薨 臣入春秋之始於子氏書薨不書矣明示大倫苟知 葵以明順也有夫婦然後有父子有父子然後有君! 卒而不書葵夫人之義從君者也胡氏曰郑君之妻! 其義則夫夫婦婦而家道正矣 國人稱之日小君卒則書薨以明齊也先卒則不書 程子曰薨者上墜之聲穀梁氏曰夫人者隐之妻也 春秋闕疑

原延鄭人以王師號師伐衛南鄙至是鄭人伐衛討 處已絕亂之道也衛服故不戰衛服可免矣鄭之擅 著矣春秋直書其事而責常在被侵伐者益彼如兵 封疆告于天子方伯若然而與戰則以與戰者為主 于已則當引各自辨喻之以禮義不得免馬則固其 子出春秋之時諸侯擅相侵伐舉兵以侵伐人其罪 元年鄭共权之亂公孫滑出奔衛衛人為之伐鄭取 公孫清之亂也 程氏曰天下有道禮樂征伐自天

一節定匹厚在七二

其間也若曰因侵伐以寓褒贬之意則征伐自天子 彼犯此此犯彼也故春秋之兵執言討罪為伐無名 侵伐皆因當事出師之名而録之耳非有所予奪于 伐不義者亂國之伐也春秋以義行伐者寡矣若去 彼善於此惡有重輕則觀乎其事而得失見矣胡氏 攻掠為侵雖然以義伐不義者治國之伐也以不義 日聲罪致討曰伐潜師掠境曰侵 愚按春秋所書

與戎王法所不容也謝氏曰代討罪之詞也侵則以

三年春王二月已日日有食之 飲定四庫全書 程子曰月王月也事在二月則書王二月在三月則 秋書之以罪鄭也 師代衛南鄙亦足以聲其罪矣故春秋不書以責衛 也至是不由王命而又與師以伐衛則已甚矣故春 惡伐鄭以取虞延固不為無罪元年鄭人以王師號 至于齊晋伯業之盛衰則或閒有微意馬夫衛人黨 出非諸侯之所得專也然則春秋凡書侵伐皆罪也

朔史之記失也謝氏日日食天變之大者也天人一 事則存天時王朔天時備則歲功成王道存則人理 人事冷于下人君不知恐懼修省則禍敗至矣周之一 氣故人事與天變相應猶影響相隨日變見于上則 何者也太陽君也而被侵食君道所是然有常度災 立春秋之大義也日有食之有食之者也更不推求 而非異也臨江劉氏曰或日或不日或言朔或不言 書王三月無事則書時書首月蓋有事則道在事無

欽定四庫全書 曰日食而曰日有食之者有者自外至之辭益陽弱 其象而無其應弗克畏天災谷之來必矣 愚謂不 宗人君之表而有食之災谷象也克謹天戒則雖有 威時日非無食也所以上下順治而無患者威德之 而陰來食之也然則陽氣弱則陰得以食之君德衰 日食处書以為人君警懼之戒胡氏曰日者衆陽之 以弭變則災害消德不足以弭變則災害起故春秋 君能使人事不随日食更變而已故日食一也德足 卷一卷秋殿疑

三月庚戌天王崩 見也胡氏曰諸侯為天王服斬線禮當以所聞先後 氏日天王升遐王室變故之大者也諸侯以臣事君 皆當奔赴魯君不往惡極罪大不可勝誅不書而自 穀梁氏曰高曰朔厚曰朔尊曰朔天子之朔以尊也 而奔丧今平王朔周人來計而隐不往是無君也謝 以其在民上故夠之程子曰朔上墜之形四海之內 春秋闕疑

則臣得以干之矣此有食之之謂也

金定四庫全書 葬权較如京師曾以即會葵也桓王匡王簡王之葬 或書奏不書如或書物不書奏或朔奏皆不書著諸 掃地盡矣故天王之崩也丧不奔葬不會或以即往 子哀痛之情也問衰列國朝聘不修征伐自擅告戒 侵不臣之罪也襄王之葬叔孫得臣如京師景王之 猶以子事父其聞赴也近者當奔丧逐者當會葬臣! 而身不行或以微臣往而即不出春秋或書卿曾葵 不以王命而專盟出入不以王事而專會臣子之禮

夏四月辛邓尹氏卒 故曰君氏穀梁氏曰夏四月辛卯尹氏卒尹氏者何 稍于姑故不曰薨不稱夫人故不言葬不書姓為公 左氏曰君氏卒聲子也不赴于諸侯不反哭于寝不 書葬者會不會葵也莊王釐王項王朔葬皆不書者 王室微弱不能赴諸侯騎九不往會也 不書卿者會以微臣會葬也平王惠王定王靈王不

た m ヨ 声 do data

也天子之大夫也外大夫不卒此何以卒之也於天

春秋關疑

秋武氏子來求轉 談世卿非禮也 愚按三說不同未知孰是姑闕之 未君也穀以氏曰歸死者曰罪歸生者曰賻歸之者 子之弱為魯主故隐而卒之公羊氏曰其稱尹氏何 正也求之者非正也周雖不求魯不可以不歸魯雖 稱武氏子者何談父卒子未命也何以不稱使當丧 王未葵也 公羊氏曰武氏子何天子之大夫也其 以埃知者

官總已以聽于冢宰三年夫百官總已以聽則是攝 通喪而嚴君臣之名分也張氏曰仲子之丧牢回歸 聞而平王之喪隐公不奔喪不勝誅為政於王室者 行軍國之事也以非王命而不稱使所以謹天下之 見天子失道諸侯不臣也胡氏曰古者君薨諒陰百 王朔諸侯不供其喪故武氏子徵求于四國書之以 也交談之程子曰武氏王之卿士稱武氏見世官天 不歸周不可以求之求之為言得不得未可知之辭

新定四库全言 八月庚辰宋公和卒 夷而立寡人寡人弗敢忘若以大夫之靈得保首領 宋穆公疾召大司馬孔父而屬殤公馬曰先君合與 不可先君以寡人為賢使主社稷若棄德不讓是奏 社稷寡人雖死亦無悔馬對日羣臣願奉馬也公日 不能輔王以舉政刑而遣使下求于列國春秋書之 以沒先君若問與夷其將何辭以對請子奉之以主 以見其原體失政取輕天下文武之澤斬然矣

豈得定配以為品例耶後世遷固曄壽之作史凡有 告雖大夫以至士皆曰不禄史官書之亦皆曰卒爾 先君之舉也豈曰能賢光的先君之令德可不務乎 共稱日前可也諸侯曰薨則本國臣子之詞至于赴 降于天子也不曰薨異內外也先儒謂天子曰旃諸 辰宋穆公卒易公即位 高氏曰凡外諸侯卒書名 吾子其無廢先君之功使公子馬出居於鄭八月度 **侯曰薨大夫曰卒士曰不禄是不然天子至尊天下** 春秋闕疑

者十或即位之初不以名赴或史失之未可知也必 高郵孫氏日春秋記外諸侯之卒百三十有三無名 爵位之臣皆書曰薨失春秋之法矣程子曰古山慶 **弔講好修睦隣國之常禮人情所當然諸侯之卒與** 若以盟會求之則未當與者五十有二而不名者九 後書聖人皆存而弗削而交隣國待諸侯之義見矣 國之大故來告則書胡氏曰外諸侯卒國史承告而

冬十有二月齊侯鄭伯盟于石門 尋盧之盟也 程子曰天下無王諸侯不守信義數 相盟誓所以長亂也故外諸侯盟來告者則書之胡 未之逮也而有志爲諸侯會盟來告則書而弗削者 周人作會而民始疑子曰大道之行與三代之英立 氏日外盟會常事也何以書在春秋之亂世常事也 信夏后氏未施敬于民而民敬殷人作誓而民始畔 于聖人之王法則非常也有虞氏未施信于民而民

欽定四庫全書 癸未蒸宋穆公 書卿者六曾以卿往會葬也書葵不書卿者七十有一 志諸侯之散異氏日諸侯之黨合而伯者之事與 陳氏曰此特相盟也書石門以志諸侯之合書鹹以 其諸以是為非常之典而有志于天下為公之世乎 四魯會而非卿也書卒不書葵者三十四彼告而魯一 程子曰諸侯告喪會往會則書高氏曰不稱宋英穆 公而稱葵宋穆公者據我而言葵彼也謝氏曰書葬 老一月五

者其情疎而禮畧方是時小國之葵非特不以即會 國也卒而不葵葵而非卿者皆小國也春秋或書卿 弱附強大輕小其吊問哀恤非以誠意也一視國勢 也以脂轉相恤以國鄉會葬隣國之禮也春秋之時 不會也諸侯壞地相接邦事相交其相見有朝聘之 也葉而不視者有之矣故卒而葵葵而遺卿者皆大 強弱為之而已矣其勢威者其情親而禮隆其勢此 歡其相親有婚姻之好其情可謂睦矣其卒而告終 春飲與疑

一 飲定四庫全書 者藏也既葵則亡者不可得見也所不可沒者善惡 或不書卿或書葬或不書葵而諸侯恃大忽小虧闕 子以私意為之其爵皆以公尊之故諸侯益皆稱公 國之善恶而為之懲勸也周衰列國盜號皆本國臣 隣好其惡見矣葵稱諡志善惡也稱公臣子辭也<u>葵</u> 對書名書卒以正臣職其葵也書諡書公以明侯國一 春秋之法其卒也書公書侯書伯書子書男以正王 而已矣故諸侯葵則稱益禮諸侯請益于天子公一

ここうシンン 一個人 春秋殿民 禮史之實文也謂吳楚之君避其號而不書葵理或 者臣子之私情誓处報也會則必書奏者隣國之常 外不赴不葵則是魯不會也初無其義弑君不葵多 時誅其僭于已葵之後而君臣上下之分明于卒葵 葵之文遂云賊不討故不書葵殊不知讐不報不葵 因國亂不往會耳傳者見禮有響不報則服不除不 之間矣 愚謂卒以外赴書葵以曾會書不卒則是

督禮君臣上下其分不可不辨也正其體於始死之

四年春王二月莒人伐祀取年婁 得東婁公封之於把待以有禮雖天子猶不敢臣之 書取邑者明取本國之邑也趙氏日凡力得之日取 然也 而皆人敢以兵伐其國奪其先公所守天子所封之 不當取也高氏日把二王之後武王克商求夏之後 穀梁氏曰言代言取所惡也啖氏曰凡先書代國下 分地王法所當誅也程子曰諸侯土地有所受之伐

戊申衛州吁弑其君完 衛莊公娶于齊東官得臣之妹曰莊姜美而無子衛 伐把而取牟婁則苔人非以討罪為心也利其土田 而天討不加馬至是代國取邑其暴益肆矣 代以爭田上以復讐怨以逞威虐而已年婁祀邑也 皆謹而書之所以者其亂也春秋無仁義之師其侵 其罪而奪取其土惡又甚馬謝氏曰春秋取邑取田 而已惡之大者也胡氏曰上二年皆人擅與兵入向

新定匹庫全書 | 破義所謂六逆也君義臣行父慈子孝兄俊弟敬所 為禍夫罷而不驕騎而能降降而不憾憾而能盼者 姊戴為生桓公莊姜以為已子公子州吁嬖人之子 鮮矣且夫賤妨貴少陵長遠間親新問舊小如大淫 子教之以義方弗納於那騎者溫決所自那也四者 之來寵禄過也將立州吁乃定之矣若猶未也陷之 也有龍而好兵公弗禁莊姜惡之石碏諫曰臣聞愛 人所為賦碩人也又娶于陳曰属為生孝伯早死其

次足日事全書 一 絕于先君矣豈復得為先公子孫也古者公族刑死 去而速之無乃不可乎弗聽其子厚與州吁游禁之 則無服况弑君乎大義既明于初矣其後弑立者則 謂六順也去順效逆所以連禍也君人者將禍是務 日自古篡献多公族盖自謂先君子孫可以為國君 不可桓公立乃老至是衛州吁弒桓公而立 程子 春秋之初就君者多不稱公子公孫蓋身為大惡自 人亦以為然而奉之春秋于此明大義以示萬世故 春秋闕疑

事同而辭異者蓋各有義非可例拘也謝氏曰公子 承宗廟下不可以聯族屬亂之大者也州吁以體則 嫡庶貴與天下之定分也庶陵嫡縣易貴上不可以 皆以屬稱或見其以親而寵之大過任之太重以至 正東宫以緊國人之心州吁弑进之前兆于此矣夫 州吁嬖人之子也緣君之龍干紀亂法而桓公不得 春秋大率所書事同則辭同後人因謂之例然亦有 于亂或見其天屬之親而及為冠響立義各不同也

灾已日華全書 1 討亂誅逆之意明矣世子國之根本位不正禮不隆 州吁起争國之心觀州吁稱衛而莊公産逆名禍其 奪其公子所以點其不正也所以絕其親而該之也 也恃子孫有繼承之道而為之也故其肆逆也春秋 惡亦見矣高氏曰弑者殺之有漸也在易坤之初六 則亂生莊公龍嬖尊以陵嫡貴致世子之位不定而 所以杜後世争奪之心也觀州吁削奪公子而聖人 非嫡以位則非貴其出而爭國緣公子之龍而為之 春秋闕疑

子懼後世之弗辨也復對之日臣私其君子私其久 氷也斯聖人防微杜漸之深戒然其言微其首遠孔 日履霜堅水至泉日履霜陰始凝也剔致其道至堅 防微杜漸辨之于早積至于此耳故為人君者崇學 心如坤之初一陰始生萌芽有漸其理至微積久不 也蓋坤者臣道也子道也臣子之就君父其包藏禍 已浸成弑逆如履霜而至于堅水也此由君父不能 一朝一夕之故其所由來者漸矣由辨之不早辨

義則不教而邪僻之使習積久不已殃及其身于是 武以事而治民之端已見雖未授以位而愛民之義 校以養人材與廉恥以勵人行其義修其節立雖未 不辨之于早者反此也賢則不親而小人之與徒也 其姦偽之端不臨之以慢以開其干犯之漸未孝而 方以訓其幼少師友以範其成人不示之以詐以起 已慈未恭而已感如是而積之凡在家者皆孝子也 已彰如是而積之凡在位者皆忠臣也為人父者義

夏公及宋公遇于清 之禮如道路之相遇故書曰遇非周禮冬見曰遇之一 公及宋公遇于清 程子日諸侯相見而不行朝會 公與宋公為會將尋宿之盟未及期衛人來告亂夏 秋成而亂臣賊子懼 元凶大惡錐假息于一時而常見誅于千載故日春 不早而臣子之惡不容誅也故詳著其事于春秋使 乎君而見試于臣父而見武于子聖人傷君父辨之

一飲定四庫全書

書及若曰以此及彼然也志外之遇者四而皆以爵 易無國君之禮則莫適主矣故志內之遇者三而皆 為之約自此于不期而遇者直欲簡其禮耳簡略慢 會聚之事無非禮者也王室微弱典制廢壞諸侯各 若曰以尊及果然也其意以為莫適主者異于古之一 無國君之禮春秋所以致議也胡氏日春秋書遇私 逞其欲盟會紛然舍此又簡易其事若道路相逢遇 春秋烟足

遇也程氏學曰古者諸侯因朝覲或從王命則必有

宋公陳侯蔡人衛人伐鄭 賦與陳察從則衛國之願也宋人許之于是陳蔡方 宋殤公之即位也公子馬出奔鄭鄭人欲納之及衛 睦于衛故宋公陳侯蔡人衛人伐鄭園其東門五日 州吁立將修先君之怨於鄭而求龍于諸侯以和其 民使告于宋曰君若伐鄭以除君害君為主散邑以 不期而會矣故凡書遇者皆惡其無人君相見之禮 也程子曰宋以公子馮在鄭故與諸侯伐之也摟諸 樂君之重則師即可知也曰蔡人衛人者将軍師少 孫氏曰書宋公陳侯之伐而不言即師者君行師從 兵猶火也弗戢將自焚也夫州吁弑其君而虐用其 民于是乎不務令德而欲以亂成必不免矣 高郵 而安忍阻兵無衆安忍無親衆叛親離難以濟矣夫 和民不聞以亂以亂猶治絲而焚之也夫州吁阻兵 春秋嗣疑

而還公問于衆仲曰衛州吁其成乎對曰臣聞以德

諸侯聞衛之有大變也可但已乎陳恒哉簡公孔子 弑其君其罪已極至是阻兵修怨勿論可也而隣境 沐浴而朝告于哀公曰請討之公曰告夫三子者子 惡與是役者首謀在衛而以宋主兵何也前書州吁 日以吾從大夫之後不敢不告也之三子告不可子 侯以伐鄭固為罪矣而衛弑其君天下所當該也乃 曰以吾從大夫之後不敢不告也然則隣有弑逆聲 與修好而同伐人其惡甚矣胡氏曰春秋之法該首

飲定四車全書 像也今乃怀其邪説合陳蔡以助逆贼之黨而首修 怨于隣國于是馮得以自固于鄭而宋國之人不復 獨公苟知名州吁為賊拒其邪說告于王而討之則 少先治其黨與之法也此義行為惡者孤矣張氏日 難欲定州吁而從其邪説是肆人欲滅天理非人之 罪赴討雖先發而後聞可也宋殤不恤衛有我君之 所為也故以宋公為首諸國為從示誅亂臣討賊子 舉而父子君臣之倫定中國之禍未至如後日之 春秋闕疑

秋暈即師會宋公陳侯蔡侯衛人代鄭 諸侯復代鄭宋公使來乞師公解之羽久請以師會 卒及其身皆赐公不能早辨于此役徒自及也 再序四國重言其罪左氏以為再伐妄也高氏日郭 之公弗許固請而行諸侯之師敗鄭徒兵取其禾而 知君臣逆順之正理自是日從事于兵而弑逆之事 人其罪大矣二國構怨而他國與之同伐其罪均也 程子日宋虐用其民衛當誅之賊而與之同伐

序四國何其辭費而不憚煩也言之重詞之複其中 未命大夫至桓而受命乃得稱為公子也胡氏曰公 必有大美惡馬四國合黨量復會師加兵無罪之邦 秋之解至簡至嚴若曰暈師即會伐鄭豈不白乎再 而量復師師往會之故再序四國以為重罪也然春 本與宋結怨而他國與之同伐鄭方因于四國之役 欲定斌君之城此惡之極也言之不足而再言之聖 人之情見矣該討亂臣之法嚴矣暈不稱公子者隐

九月衛人般州吁于濮 可回何以得朝曰陳桓公方有龍于王陳衛方睦若! 州吁未能和其民厚問定君于石子石子曰王朝為 解而弗許義也而量以不義强其君固請而行無君 巫之禍 固難御丁異姓之卿况暈已使主兵而方命乎隐公 不能辨之于早罷其兵權猶使之師師也是以及種 之心北矣夫公子公孫升為貴戚之卿者其植根膠

新定匹庫全書

幸醜治殺州吁于濮石碏使其年孺羊肩治殺石厚 衛人衆辭也舉國殺之也謝氏日弑逆天下之大惡 朝陳使請必可得也厚從州吁如陳石碏使告于陳 春秋殺弑君之賊稱人以明人皆得而殺之也春秋 于陳 公羊氏日其稱人何討賊之辭也程子日稱 君敢即圖之陳人執之而請拉于衛九月衛人使右 天地所不容人民所共棄是不待告命而誅者也故 曰衛國編小老夫耄矣無能為也此二人者實試寡 春秋開疑

冬十有二月衞人立晉 隣國之義皆如陳人則亂臣賊子將無所容於天地 弑逆之主稱君以其名位定矣州 时則衛人討其逆 衛人逆公子晉于那十二月宣公即位 穀梁氏曰 能為衛執州叶而請治于衛使臣子之心皆如石碏 于濮善陳也衛人能以州吁為賊而請討于陳陳人 之間而篡弑之禍亦庶幾乎息矣宜聖人之善之也 而殺之故不書爵 愚謂濮陳地書衛人善衛也書

大豆可事公島! 陳氏日繼故未有書立者賦不討君不爽談不在立 書曰立所以著擅置其君之罪于晉去其公子所以 明專有其國之非以此垂法而父子君臣之義明矣 之命不可立也故去其公子胡氏曰春秋于衛人特 衛人立之也諸侯之立必受命于天子當時雖不受 故立之春秋所不與也雖先君子孫不由天子先君 命于天子猶受命于先君衛人以晋公子也可以立 衛人者衆辭也立者不宜立者也程子曰衛人立晋 春秋閼疑

衰之中而見責備之意老也當是時四國連兵為篡 難其立之尤難惜其不能禀于王命而立之是所謂 書入不書歸而變文書立以表異之亦以見其討之 衛人能不以篡賊為君相與仗大義而誅之所以不 衛人殺州吁于濮又繼書衛人立晋再書衛人者聚 也必若衛人賊討君葵而後可以書立矣家氏曰春 開小人以自新之途也春秋于四國代鄭之後繼書 秋書法有聚而寓販責備賢者之道也有販而未絕

晋是一人之私也其可哉故尹氏立子朝言王位已 春秋意也曰若子所言春秋何以不書石碏之名氏 人不以是望之謂之責倫則可謂之直則則斷乎非 文特書以示别異而中見責倫之意非石碏之間聖 迎晉于邢而立之可謂居人臣之甚難是故春秋變 位之可倚毅然以討賊自任不動聲氣元惡即誅乃 賊植黨州吁之勢成矣而石碏以告老大夫非有權 而惟曰衛人立晉乎曰立君從衆望也若書石碏立

新房匹厚在·音 石碏之言有以祛其惡念而動其良心也今觀其言 之請惜然而悟遂變黨賊之心而為討賊之舉實以 但知植黨之為得計豈知黨賊之為可恥及聞石碏 亦不能明乎人之本心也方陳人與州吁連兵伐鄭 子朝之為誅則衛人立晋之意可識矣 愚謂人欲 定而尹氏以一人之私而立朝所以誅也觀尹氏立 之感人也雖深天理之感人也實易甚矣人恒敬于 人欲之私而不能格其天理之公遂至失其本心而

為之動心而州吁之見執也惜其習于當時聞見之 其君為所不當為也然則使晉之立能請命天王則 之忠義之氣貫于日月怨惻之意形于言表宜陳人 石碏此舉視夫子之沐浴請討亦可無愧矣 随不知國君非人臣所可置公子晉之立不能請命 日老夫耄矣無能為也此二人者實就寡君敢即圖 天下後世知臣子為君父討賊之為所當為而擅置 天王故聖人既美其討城于前復著其擅立于後使 **東大國**

五年春公矢魚于棠 貴賤辨等列順少長習威儀也鳥獸之肉不登於俎 皮華齒牙骨角毛羽不登於器則公不射古之制也 者也故春苑夏苗秋獨冬狩皆于農際以講事也三 年而治兵入而振旅歸而飲至以數軍實的文章明 若夫山林川澤之是器用之資皂隸之事官司之守 其材不足以備器用則君不舉馬君將納民于軟物 公將如紫觀魚者藏信伯諫曰凡物不足以講大事

飲定四庫全書

行以祭邦國春秋遊豫以省耕斂若夫觀魚特遊湖 東苗稱行非獨以禽獸為事也軍旅之法寓馬在伐 當是將弓矢射之如漢武帝親射江中蛟之類程子 伯稱疾不從 矢公穀作觀左氏曰矢魚于棠非禮 之事行馬故先王舉動無非事者田獵以閱車徒巡 非君所及也公曰吾將畧地馬遂往陳魚而觀之信 日諸侯非王事不遠出出觀魚非道也謝氏曰古者 也且言遠地也薛氏曰矢魚何射魚也朱子曰矢魚

夏四月葵衛桓公 意賢人之言哉 書觀魚而諸侯出不以事舉動不以禮法其失見矣 定四庫全書 | 深思遠有周公告成王無淫于觀于逸于游于田之 以禮也能無鍾巫之及乎家氏曰滅僖伯之諫其憂 納則亦已矣又從而為之辭是縱欲而不能自克之 胡氏曰隐公慢奪國政遠事逸游僖伯之忠言不見 而已在事為非事在禮為非禮在法為非法春秋值

秋衛師入郊 衛之亂也那人侵衛故衛師入那 子易實而殁豈尚然哉死而加之不正之諡知忠孝 世不能改失位而見弒何以為桓程子曰稱桓見國 衛亂是以緩 師衆曰師程子曰晉乘亂得立不思安國保民之道 者肯無平 私益送然大事也必就正寝不殁于婦人之手會 胡氏曰名之曰幽厲雖孝子慈孫 不大男是 殺梁氏曰将里

飲定四庫全書 九月考仲子之宫初獻六羽 考仲子之官將萬馬公問羽數于衆仲對曰天子用 師入都者其泰也 風故自八以下公從之于是初獻六羽始用六佾也 失道也胡氏曰稱師者紀其用眾而立義不同書衛 以尊王為先居喪為重乃與我修怨入人之國書其 諸侯用六大夫四士二夫舞所以節八音而行八 程子曰諸侯無再娶仲子不得為夫人春秋之初

禮成王賜魯以天子禮樂祀周公後世遂羣廟皆用 此用八之僭也仲尼以魯之郊禘為周公之道衰用 尚以為疑故别官以祀之考始成而祀也書以見無 來赗而正名之曰仲子之閒因其考官而正名之曰 仲子無祭享之所為别立官以祀之非禮也故因其 妾為夫人隐公欲以庶弟為嫡子孟子入惠公之廟 仲子别宫故不敢同羣廟而用六羽也書初獻見前 天子之禮祀周公成王之過也胡氏曰惠公欲以愛 春秋關疑

夫僭諸侯以至陪臣執國命天下之禍無時而息矣 定匹厚在言 1 用八佾三家以雅徹之事乎自諸侯僣天子而後去 愚謂使隐公開衆仲之言知八角之僭羣公之朝皆 諡甲舉姓字者妾也凡宫廟非志矣失禮則不書 仲子之官而夫人衆妾之分定矣隐公攝議之實雜 降從侯國之常制則上下各守其分他日豈有季氏 則以盜擊號以姓擊氏者夫人也存不稱號殁不稱 矣桓公篡弑之罪昭矣生則以氏聚姓以姓緊號於

釤

邾人鄭人伐宋 道鄭人以王師會之伐宋入其郛以報東門之役宋 宋人取邦田邦人告于鄭曰請君釋憾于宋散邑為 聖人于此安得不謹而書之 人使來告命公聞其入郛也將救之問于使者曰師 社稷之難今問諸使者曰師未及國非寡人之所 及對日未及國公怒乃止辭使者日君命寡人 胡氏曰主兵者都也故雖附庸小國而序 春秋月足

冬十有二月辛已公子强卒 蟆 本民以食為天螟為災國之大事也故書 乎鄭之上凡班序上下以國之小大從禮之常也而 撥亂之大法也凡誅亂臣討賊子必深絕其黨 宋以伐鄭事與此同而聖人以宋為主者何此春秋 盟會征伐以主者先因事之變也然則衛州吁告于 公羊氏曰記炎也張氏曰蟲食苗心曰螟國以民為

金 定 库全書

宋人伐鄭圍長葛 長葛鄭邑何罪乎書園于此而書取于後宋人之惡 途城守不下至于經年而不解誅亂臣討賊子可也 胡氏曰圍者環其城邑絕其往來之使禁其樵採之 以報入郭之役也 程子曰代國而園邑肆其暴力 也先君之大夫也 臧信伯卒公曰叔父有憾于寡人寡人弗敢忘葬之 穀梁氏曰隐不爵命大夫其曰公子彄何 春秋阙疑

六年春鄭人來渝平 金克匹库在書 或訓變皆未得春秋之意按隐公自即位至此年若 前公穀作輸高氏曰先儒以輸為渝或訓題或訓更 變之後及同侵伐哉胡氏日輸者納也平者成也鄭 此年輸平之後死來歸防量會代宋時來之會代許 已與鄭平則六年之間未當有會同朝聘之事也自 之役皆與隐公同行豈有當和平之時不相往來於


者解怨釋響固所善也輸平者以利相結則貶矣曷 舊怨明矣五年鄭人代宋入其郭魯欲致之使者失 為知其相結之以利也後此鄭伯使宛來歸初而魯 用間可乘之隙也是以來納成耳然則善之乎曰平 辭公怒而止其冬宋人伐鄭園長葛鄭伯知其適有 于宿四年遇于清其秋會伐鄭即魯宋為黨與鄭有 也公之未立與鄭人戰于孤壤止馬元年及宋人盟 八号為納成于魯以利相結解怨釋響離宋魯之黨 春秋凋疑

攘則不厭矣故特稱輸平以明有國者必正其義不 室所主者義爾若為以利使為人臣者懷利以事其 侯之合書及鄭平志諸侯之散是春秋之始終也 謀其利杜亡國敗家之本也陳氏曰書鄭輸平志諸 庶人处曰何以利吾身上下交征利不至於篡弑 定匹居全音 君諸侯必曰何以利吾國太夫必曰何以利吾家士 以知輸平者以利相結乃貶之也諸侯修睦以蕃王 人其地會鄭人伐宋得部及防而會又取其二色是

鉗

夏五月辛酉公會齊侯盟于父 胡氏曰四德備而後為乾故易曰乾元亨利貞一 也與鄭平則号為與齊盟齊鄭之與國也高氏日鄭 不備則乾道熄矣四時具然後成歲故春秋雖無 齊以是來求盟于公公于是乎會于文而與之盟 左氏曰始平于齊也薛氏曰公之會齊者何與鄭平 來輸平而不言及鄭平暨鄭平是猶未許之平也 春秋脚疑

冬宋人取長葛 甚而天子弗治方伯弗征鄭視其民之危因而不能 也程子曰宋人之園長葛歲且周矣其虐民無道之 者時天時月王月也書時又書月見天人之理合也 保有赴訴卒喪其色亦可罪也宋之強取不可勝誅 杜氏曰上有代鄭園長葛長喜鄭色可知故不言鄭 首時過則書一時不具則嚴功虧矣既書時又書月





腾绿監生臣孟錫山校對官庶吉士臣朱 攸覆校官編修臣曹 城